

**Talamdan sa
Mga Mensahe alang sa Full-time Training
sa Spring Term sa 2024**

**LINANGKOB NGA HISGOTANAN:
ANG MAHINUNG DANONG MGA PUNTO SA KAMATUORAN SA MGA SULAT NI PABLO—
IKADUHANG CORINTO**

Mensahe 15
**Gilansang sa Krus si Cristo tungod sa Kaluyahon
ug Maluyahon Ta diha ni Cristo
apan Nabuhi uban Niya pinaagi sa Gahom sa Dios**

Basahong Kasulatan: 2 Cor. 13:4; 10:10; Efe. 1:19-23; Fil. 3:10

I. “Gilansang gyod Siya sa krus tungod sa kaluyahon,” ug “mga maluyahon gyod mi diha Niya”—2 Cor. 13:4a:

- A. Gilansang sa krus si Cristo gumikan sa, o tungod sa, kaluyahon.
- B. Kon wala pa magmaluyahon si Cristo, dili gyod unta Siya madakpan—v. 4.
- C. Ang kaluyahon sa 2 Corinto 13:4 kaluyahon man sa lawas, sama sa 10:10.
- D. Sa Iyang Kaugalingon, dili kinahanglan nga magmaluyahon si Cristo sa bisan unsang bahin, apan aron mahuman ang katubsanan alang nato, andam Siyang magmaluyahon sa Iyang lawas aron malansang Siya sa krus—13:4.
- E. Kon wala pa Siya magmaluyahon, dili unta Siya malansang sa krus—Luc. 23:21, 33.
- F. Walay tawong kusgan nga malansang sa krus; aron malansang sa krus ang tawo, kinahanglang maluyahon siya:
 1. Gilansang sa krus si Cristo tungod sa kaluyahon, gipabuhat ang mga naglutos Niya sa gusto nila.
 2. Giingnan ni Pablo ang mga taga-Corinto nga nisunod siya ni Ginoong Jesus nga magmaluyahon diha Niya tungod ug alang nila—2 Cor. 13:4.

II. “Nabuhi Siya tungod sa gahom sa Dios,” ug “mabuhi mi uban Niya pinaagi sa gahom sa Dios”—v. 4b:

- A. Gilansang sa krus si Cristo tungod sa kaluyahon, apan sa nabanhaw na Siya, nabuhi Siya karon tungod sa gahom sa Dios—v. 4b.
- B. Kinahanglang makaila ta “unsa kalabaw gyod nga pagkadako sa Iyang gahom nganhi natong nanuo, sumala sa paglihok sa gahom sa Iyang kusog”—Efe. 1:19:
 1. Sa Efeso 1:19-22 gipadayag sa upat ka aspeto ang dakong gahom sa Dios nga gipalihok Niya diha ni Cristo: gahom nga makabanhaw, gahom nga makapatigbabaw, gahom nga makapasakop, ug gahom nga makahimong ulo.
 2. Labaw gyod ang pagkadako sa gahom sa Dios nganhi nato:
 - a. Sumala kini sa paglihok sa gahom sa Iyang kusog—v. 19.
 - b. Mao kini ang gahom nga gipalihok sa Dios diha ni Cristo—v. 20a.
 3. Ang gahom sa Dios nganhi nato mao ra ang gahom nga gipalihok sa Dios diha ni Cristo:
 - a. Una, nagbanhaw kini ni Cristo gikan sa mga minatay; gidaog ning gahoma ang kamatayon ug Hades—Bug. 1:18.
 - b. Ikaduha, ang dakong gahom sa Dios nga gipalihok Niya diha ni Cristo nagpalingkod Niya sa may tuong kamot sa Dios sa kalangitan, labaw sa tanan—Efe. 1:20b-21:
 - (1) Ang tuong kamot sa Dios mao ang dapit nga gipalingkoran ni Cristo sa labaw gyod kadako nga gahom sa Dios.
 - (2) Mao kini ang labing halangdong dapit, nga dunay kinalabwang pagbulot-an—Mat. 28:18.
 - c. Ikatulo, ang dakong gahom sa Dios nga gipalihok Niya diha ni Cristo nagpasakop sa tanang butang ilalom sa Iyang mga tiil—Efe. 1:22a:
 - (1) Lahi ang pagpahamutang ni Cristo labaw sa tanan sa pagpasakop sa tanang butang ilalom sa Iyang mga tiil.

(2) Pagkalabaw ni Cristo ang una; pagpasakop sa tanang butang Kaniya ang ulahi.

d. Ikaupat, ang dakong gahom sa Dios nga gipalihok Niya diha ni Cristo naghimo ni Cristo nga Ulo sa tanang butang ngadto sa iglesia—vv. 22b-23a:

(1) Ang pagkaulo ni Cristo sa tanang butang gasa sa Dios Kaniya.

(2) Pinaagi sa labaw gyod kadako nga gahom sa Dios nadawat ni Cristo ang pagkaulo sa uniberso.

4. Sa pagkatinuod, ang dakong gahom sa Dios nga gipalihok Niya diha ni Cristo mao ang Tulo-usang Dios, nga niagi na sa pagpakatawo, pagkalansang sa krus, pagkabanhaw, ug pagkayab ug gibutang na sa atong sulod ingon nga malangkobon-sa-tanan nga gahom—Rom. 1:4, 16, 20; 9:17, 22; 15:13, 19:

a. Nag-ampo si apostol Pablo nga makabaton unta tag espiritu sa kaalam ug pinadayag aron makaila sa labaw kaayong pagkadako ning diosnong gahom—Efe. 1:15-18a.

b. Mag-ampo sab gyod ta sa mao ra nga pag-ampo.

III. Makaila ug magkinabuhi gyod unta ta pinaagi sa gahom sa pagkabanhaw ni Cristo—Fil. 3:10:

A. Ang gahom sa pagkabanhaw ni Cristo mao ang Iyang kinabuhi sa pagkabanhaw, nga nagbangon Niya gikan sa mga minatay—Efe. 1:19-20:

1. Ang Espiritu maoy realidad sa gahom sa pagkabanhaw ni Cristo—Rom. 1:4.

2. Ang kamatayon maoy basihan sa pagkabanhaw; aron makaila, makasinati, ning gahoma, kinahanglan mausa ug mapahiuyon ta sa kamatayon ni Cristo—Fil. 3:10.

3. Aron makasinati sa gahom sa pagkabanhaw ni Cristo, magkinabuhi gyod ta sa kinabuhing linansang sa krus, sama sa gibuhay Niya.

4. Ang pagpahiuyon nato sa Iyang kamatayon makahatag og sukaranan sa gahom sa Iyang pagkabanhaw nga makabangon aron mapadayag dinhi nato ang Iyang diosnong kinabuhi—v. 21.

B. Ang Espiritu nga gisagolan sa pagkabanhaw ni Cristo ug sa gahom niini (1:19) nagpuyo sa atong espiritu (Rom. 8:10-11) aron ipaambit ang pagkabanhaw ni Cristo ug ang gahom niini dili lang sa atong espiritu ug kalag kondili sa may kamatayon sab nga lawas nato (vv. 11, 13b; 2 Cor. 4:11).

C. Kalabot sa Iyang persona, si Ginoong Jesus mao ang Cristo; kalabot sa Iyang kagamitan, Siya ang gahom sa Iyang pagkabanhaw—Fil. 3:10.

D. Kon nakaila ta sa gahom sa pagkabanhaw sa Ginoong, andam gyod tang ipahiuyon sa Iyang kamatayon—v. 10.

E. Ang tanang nagkalainlaing matang sa kahintang ug sirkumstansya sa adlaw-adlaw natong kinabuhi aron man makaila ta sa gahom sa pagkabanhaw ni Cristo—itandi sa Rom. 8:28:

1. Kon makahinagbo tag mga kasamok, kalisod, o bisan ngani pagdaugdaog, tinuod tang malipay ug mahubaran kon nakaila ta sa gahom sa pagkabanhaw ni Cristo ug napahiuyon sa Iyang kamatayon.

2. Ang natural natong taras ug maayong kagawian, sama sa atong natural nga gahom, natural nga gugma, o natural nga pagkamapaubsanon ba, inanay nga moagi sa kamatayon ug matapos.

3. Makapahimulos dayon ta sa gahom sa pagkabanhaw ni Cristo ug ikinabuhi nato ang gugma ug pagkamapaubsanon sa pagkabanhaw—Fil. 3:10; 1 Ped. 5:5.

F. Mobulig gyod ta sa Espiritung nagbanhaw aron moila nga nabanhaw na ta uban ni Cristo (Col. 2:12; Efe. 2:6a) ug magtinguha sa gahom sa pagkabanhaw ni Cristo:

1. Pinaagi man ning gahom sa pagkabanhaw ni Cristo nga hugot gyong nihukom kitang mga nahigugma Niya nga modawat sa krus sa pagdumili nato sa kaugalingon—Mat. 16:24; itandi sa A. A. 2:8-9.

2. Pinaagi sab ning gahom sa pagkabanhaw ni Cristo nga mapahiuyon ta sa kamatayon Niya, mausa sa Iyang krus—Fil. 3:10; itandi sa A. A. 2:14-15.

3. Aron masinati nato ang Espiritung taghatag-og-kinabuhi nga realidad sa malamboong kadato sa pagkabanhaw ni Cristo, kinahanglang maila nato ang atong espiritu gikan sa atong kalag—Heb. 4:12; itandi sa A. A. 2:14-15.

G. Ang pagkabanhaw ni Cristo ug ang gahom niini nga naa sa Espiritung taghatag-og-kinabuhi mao ang igong grasya sa nahikay ug nahingpit nga Tulo-usang Dios—2 Cor. 13:4, 14; 1 Cor. 15:10, 45b, 58; itandi sa Exo. 3:2-6, 14-15.